

Diletantski s plaćenih st



SUD
BOSNE I HERCEGOVINE

TUŽILAŠTVO
BOSNE I H

СУД
БОСНЕ И ХЕРЦЕГОВИНЕ

ТУЖИ
БОСНЕ И

COURT OF
BOSNIA AND HERZEGOVINA

PROSECUTOR
BOSNIA AN

Finski tužitelj WENDORF traži od zakonodavne vlasti (

Skandali skupo stranih tužitelja

Prošle nedjelje dvojica stranih tužitelja u Tužiteljstvu, Amerikanac **DREW ENGEL** i Finac **HEIKKI WENDORF** priredili su dva, u ovdašnjem pravosuđu, do sada nezapamćena skandala: prvi je advokata **FADILA JAGANJCA** prisiljavao da bude svjedok protiv svog klijenta, dok je drugi optužnicu protiv **MLADENA IVANIĆA** (i ostalih u aferi "šumska mafija") uputio na izjašnjavanje državnom i parlamentu RS-a; naša novinarka otkriva ko su zapravo strani tužitelji koji, umjesto da reformiraju pravosudni sistem, vrše njegovu destrukciju

Piše

Suzana Mijatović

suzanam@slobodna-bosna.ba

Šef Posebnog odjela za organizirani kriminal, privredni kriminal i korupciju Tužiteljstva BiH, američki tužitelj **Drew Engel** i njegov finski kolega **Heikki Wendorf** glavni su akteri dva, u ovdašnjoj pravosudnoj praksi do sada nezabilježena skandala, koja su se dogodila u posljednjih desetak dana! Dvojica su stranih tužitelja, u dva odvojena predmeta, ozbiljno prekoručili svoje zakonske ovlasti i doveli u pitanje neovisnost rada odvjetnika, ali i Suda i Tužiteljstva BiH.

U prvom je slučaju tužitelj **Drew Engel** koji vodi istragu protiv suspendiranog šefa Granične policije BiH na Aerodromu Sarajevo **Fadila Jaganjca**

pokušao natjerati njegovog odvjetnika **Almina Dautbegovića** da svjedoči protiv svog klijenta (!), zbog čega je Dautbegović morao tražiti pomoć Odvjetničke/Advokatske komore Federacije i Republike Srpske. Tužitelj **Heikki Wendorf** otišao je još dalje, pa je optužnicu protiv visokih dužnosnika PDP-a (na čelu s predsjednikom te stranke **Mladom Ivanićem**) koji su optuženi u predmetu "Srpske šume" prosljedio Zastupničkom domu Parlamenta BiH i Narodnoj skupštini Republike Srpske, kako se pretpostavlja, na raspravu i dalje razmatranje?!

PRITISAK NA ADVOKATA

No, krenimo od skandaloznog poteza šefa Posebnog odjela za organizirani kriminal, privredni kriminal i korupciju Tužiteljstva BiH **Drewa Engela**

menta) da se odredi prema optužnici protiv **Mladena Ivanića!**?

koji je 7. februara odvjetniku Alminu Dautbegoviću poslao poziv za saslušanje. "Iako mi je bilo veoma čudno i nelogično, jer za takav slučaj nisam ni čuo u svojoj dugogodišnjoj advokatskoj praksi, odlučio sam se odazvati na poziv tužitelja, naravno, u skladu s Zakonom o krivičnom postupku BiH. Kada sam, međutim, došao u prostorije Tužiteljstva BiH, obaviješten sam da bi trebao svjedočiti oko pretresa stana mog klijenta Fadila Jaganjca", kaže odvjetnik Dautbegović i pojašnjava kako je tužitelj Engel inzistirao na njegovom svjedočenju, uz obrazloženje da je on tijekom pretresa Jaganjčevog stana bio aktivan. "Ja sam mu pokušao objasniti da sam pretresu stana prisustvovao kao advokat Fadila Jaganjca, da sam sve zamjerke na rad službenika policije iznio u zapisniku o izvršenom pretresu. Također sam mu rekao da sam u momentu pretresa postupao kao advokat i da je svaka druga informacija zaštićena i smatra se privilegovanom, s obzirom da je nastala iz povjerljivog odnosa između advokata i klijenta", dodaje Dautbegović i napominje da mu je, poslije duže prepirke, tužitelj Engel otvoreno, pred više svjedoka, zaprijetio da će ga diskvalificirati kao Jaganjčevog branitelja.

Policajci su Federalnog MUP-a, po nalogu Tužiteljstva BiH, gdje se istraga u ovom slučaju vodi već skoro tri mjeseca, stan Fadila Jaganjca u Zenici pretresli 5. februara. Tada je odvjetnik Almin Dautbegović uložio primjedbe jer su inspektori, između ostalog, izuzeli računar Jaganjčeve kćerke i ženin mobilni. Pored toga, Dautbegović je prigovorio (a što je, također, uredno zabilježeno), jer je osim stana pretresen i automobil Jaganjčeve kćerke, kao i zbog činjenice da je djevojku pregledao policajac a ne policajka.

OPTUŽNICA U SKUPŠTINI

Prema tvrdnjama odvjetnika Dautbegovića, sastanak koji je u Tužiteljstvu BiH održan 12. februara tužitelj Engel je završio izjurivši bijesno iz prostorije, a da mu nije predočio ni zapisnik o obavljenom razgovoru. "Takav ponižavajući tretman, takvo neetično i neprofesionalno ponašanje i samovolja tužitelja su, zaista, nečuveni", komentira Dautbegović koji je, u međuvremenu, o prijetnjama tužitelja Engela obavijestio OHR, Visoko sudsko i tužiteljsko vijeće, suca Suda BiH Izu Tankića (u predmetu protiv Fadila Jaganjca, Tankić je sudac za prethodni postupak), te svoje kolege odvjetnike.

Prvi je reagirao predsjednik Upravnog odbora Advokatske /Odvjetničke komore Federacije BiH Asim Crnalić koji je u

KARIJERA DREW ENGELA

Amerikanac kojem su (pro)pale sve optužnice!

Amerikanac Drew Engel je za tužitelja u Tužiteljstvu BiH imenovan koncem augusta 2004., odlukom tadašnjeg visokog predstavnika Paddyja Ashdowna. Budući da se službene biografije međunarodnih tužitelja u BiH i dalje taje (za razliku od biografija stranih sudaca koje su dostupne na web-strani Suda BiH), nije poznato kojim se poslovima u svojoj dosadašnjoj pravničkoj karijeri Engel bavio. Navodno da je ranije radio kao službenik u Pravnom odjelu OHR-a. Za svog dosadašnjeg angažmana u Posebnom odjelu za organizirani kriminal, privredni kriminal i korupciju Tužiteljstva BiH Drew Engel nije do kraja uspješno okončao niti jedan sudski spor. Engel je, podsjetimo, svojedobno, podigao optužnicu protiv Hasana Čengića, ali je nakon kraćeg suđenja bivši federalni doministar obrane pravomoćno oslobođen svake krivnje. Potom je Drew Engel kao pomoćnik ranijeg tužitelja Johna McNaira uložio žalbu na prvostupanjsku presudu

nekadašnjem članu Predsjedništva BiH Anti Jelaviću (osuđenom na deset godina zatvora) koju je Apelacijsko vijeće Suda BiH u cijelosti odbacilo i suđenje Jelaviću vratilo na početak. (Ranije smo objavili da je žalba Jelavićevih odvjetnika bila napisana na više od sto strana, dok je Engel svoje pritužbe "stavio" na svega pet stranica.) U ljeto 2006., konačnom presudom Apelacijskog vijeća, Drew Engel je izgubio i sudski spor protiv bivšeg federalnog ministra obrane Miroslava Prce i dozopovjednika Vojske Federacije Dragana Čurčića, koji su oslobođeni u predmetu "Hrvatska samouprava". Međutim, i pored katastrofalnih rezultata, Engelu je u dva navrata produžavan mandat. Nakon što se njegov prethodnik i sunarodnjak David Upcher prije godinu dana vratio u SAD, Drew Engel je "promoviran" u šefa Posebnog odjela za organizirani kriminal, privredni kriminal i korupciju Tužiteljstva BiH.



SKUPO PLAĆEN (NE)RAD: Umjesto obračuna s kriminalcima, američki tužitelj Drew Engel objavio je rat odvjetnicima

pismu upućenom Drewu Engelu podsjetio američkog tužitelja da je branitelj kao supstituent prava osumnjičenika ravnopravan tužitelju u kaznenom postupku. "Podsjećamo Vas da je propisana apsolutna zabrana saslušanja branitelja osumnjičenika, odnosno, optuženika u pogledu činjenica koje su mu postale poznate u svojstvu branitelja", stoji u kratkoj lekciji iz prava koju je odvjetnik Crnalić očitao tužitelju Engelu, upozorivši ga da je svaki postupak tužitelja koji dovodi do neutemeljene diskreditacije branitelja suprotan Zakonu o kaznenom postupku

BiH. Potom su potporu odvjetniku Alminu Dautbegoviću dali i članovi Advokatske komore RS-a. "U potpunosti podržavamo kolegu Dautbegovića u njegovoj borbi za prava advokatske profesije", izjavio je za "SB" Zlatko Knežević, predsjednik Izvršnog odbora Advokatske komore Republike Srpske. Kako nezvanično doznajemo, o posljednjem incidentu koji je izazvao tužitelj Drew Engel trebalo bi se raspravljati već na narednoj sjednici VSTV-a.

No, kako šef Posebnog odjela za organizirani kriminal, privredni kriminal i




ALMIN DAUTBEGOVIĆ:
“Takav ponižavajući tretman, takvo neetično i neprofesionalno ponašanje i samovolja tužitelja su, zaista, nečuveni”

KARIJERA HEIKKIA WENDORFA

Finac koji je tužiteljsku karijeru počeo u BiH

Prije nego što je odlukom Visokog predstavnik u junu 2006. “raspoređen” u Tužiteljstvo BiH, finski je tužitelj Heikki Wendorf najmanje pet godina radio u OHR-u. Prema tvrdnjama njegovih bivših kolega, Wendorf je izvjesno vrijeme bio angažiran u Antikorupcijskom timu OHR-a, a kasnije se zaposlio u Odjelu za vladavinu prava. Trenutačno kao tužitelj Posebnog odjela za

organizirani kriminal, privredni kriminal i korupciju zastupa optužnice u sudskim procesima koji se na Sudu BiH vode u predmetu “Srpske šume”, te protiv više bivših dužnosnika iz Hercegovačko-neretvanske županije optuženih za kriminal u Županijskom MUP-u. Nije, međutim, poznato da se Heikki Wendorf u rodnoj Finskoj ikada bavio tužiteljskim poslom.



BRZA REAKCIJA KOLEGA:
 Zeničkog odvjetnika Almina Dautbegovića podržale su sve kolege iz Federacije BiH i RS

korupciju Državnog tužiteljstva, po svojoj prilici, još nije naučio da, barem prema zakonima koji važe u BiH, niti jedan odvjetnik ne može svjedočiti u procesu protiv svog klijenta (u suprotnom bi, odmah, bio diskvalificiran), Dautbegoviću je stigao novi poziv za svjedočenje, zakazano 25. februara. Recimo i da je, kojim slučajem, takav propust napravio neki od domaćih tužitelja, protiv njega bi, zasigurno, već bio pokrenut disciplinski postupak.

Jednako bi tako, sasvim sigurno, prošao i finski tužitelj Heikki Wendorf koji je 12. februara optužnicu u predmetu “Srpske šume” poslao na adrese Zastupničkog doma Parlamenta BiH, Narodne skupštine i Ministarstva poljoprivrede, šumarstva i vodoprivrede RS-a. Informaciju o Wendorfovoj “tajnoj pošiljki” prvi je saznao Mladen Ivanić, zbog čega su njegov i odvjetnici ostalih optuženika u ovom sudskom procesu: Zorana Đerića, Perice Bundala, Mire Jurišića, Rodoljuba Trkulje, Stojka Blagojevića, Zorana Šupete, Dragiše Dragutinovića, Zdenka Sakana, Milorada Marjanovića, Mirka Rokvića, Radenka Borojevića i Novice Davidovića, službeno zatražili tužiteljevo izuzeće. Iako su odvjetnici naveli da se radi o posve nelogičnom potezu, budući da je Sud BiH jedino mjesto na kojem se o optužnici može i treba raspravljati, Kolegij Tužiteljstva BiH, koncem prošlog tjedna, nije prihvatio njihov zahtjev. Nakon što su, međutim, branitelji optuženika u predmetu “Srpske šume” inzistirali da tužitelj, makar u sudnici, obrazloži takav postupak, Heikki Wendorf je, obračunajući se predsjedavajućem Sudskog vijeća sucu Izi Tankiću, kazao kako je to bila “njegova obveza”. Na upit jednog od odvjetnika da pojasni prema kojem se zakonu optužnice Tužiteljstva BiH trebaju slati parlamentarnim zastupnicima i zbog čega, finski tužitelj nije znao odgovoriti?! ♦



ŠUMSKA MAFIJA: Optuženi čelnici PDP-a zatražili su izuzeće tužitelja Heikki Wendorfa nakon što je optužnicu protiv njih prosljedio Parlamentu BiH i Narodnoj skupštini RS

